

一讚二經同卷

卷八

佛說帝釋巖秘密成就儀軌

聖觀自在菩薩功德讚

佛說了義般若波羅蜜多經

佛說帝釋巖秘密成就儀軌

西天譯經三藏朝奉大夫試鴻臚卿僧正沙門臣施護奉詔譯

尔時釋迦牟尼佛告金剛手大秘密主菩薩  
言汝今當知摩伽陀國菴沒羅聚落北韋提  
希山有帝釋巖而被巖中有九十九宮有一  
俱胝大菩薩衆并天龍八部諸神仙等安止  
其中慈氏菩薩今現在彼入三摩地名最上  
莊嚴從定出已說法教化諸菩薩衆金剛手

此帝釋巖最上殊勝是諸佛神通變化非諸  
小智所能測度是不可思議相應法門諸大  
菩薩居處其中彼有種種成就相應聖法世  
間若有起決定心求趣菩提於無數劫勤修  
衆行不怖長時者方爲宣說此帝釋巖諸成  
就法又若有人離貪瞋癡及我見相調伏諸

根起淨信心依佛正教者乃爲宣說若復有  
人造諸惡業不生菩提種遠離正法不信因  
果毀謗阿闍梨不孝父母者汝勿爲說是時  
大秘密主金剛手菩薩白佛言世尊如佛所  
說有大功德是方便不以加行於現生中  
得見慈氏菩薩我今樂聞願佛爲說

尔時佛告大秘密主金剛手菩薩言我今爲  
汝如實宣說金剛手若有諸修相應行人樂  
欲入彼帝釋巖中不以加行於現生中求見  
慈氏菩薩或復樂求聖劍聖輪如意寶教法  
聖樂安繕那藥播耨迦聖莊嚴具如是等成  
就法者其行人先須於阿闍梨所起信敬心

依法傳受然後求自本尊威神加護廣大供  
養諸佛如來普爲衆生作大布施已行人當  
面東行十弓量然後面西復行三十弓量方  
入一宮其狀四方具其窻牖行人即時於窻  
牖中觀見種種樹木其樹皆是聖藥復見地  
居世界宮殿行人於彼止息少時去此不遠

即見一井其井深可人半身量復有鐵索人所執持以爲梯級行人即堅持此索下行三肘量即至平地行人當以手捫摸其地漸次得見一階道行人履此而下次見巷沒羅樹其樹有菓狀如尾螺行人當取一菓持以出外而食食已即得延壽一劫如那羅延天相

查八

一

林

好端嚴有大力勢得闡持具足子諸佛法若行人不取此菓即復行一百弓量見大自在天宮而被宮前有大池聖藥充滿此池以北有大多羅樹行人即於彼樹當取一菓出外而食即得延壽一劫行人若不樂取此菓即於池中取一聖藥持以出外凡所觸物皆得

成金行人若復不樂取此聖藥即於彼天宮四側取一訶梨勒出外而食亦得延壽一劫然後離彼天宮復於南北見有二道而被南路即不得往當行北路去此不遠見一銅城其城高廣行人當擊彼城門時有摩登伽女爲開其門入已即見二道彼在邊道有一大

樹其名無憂於彼樹下有衆多摩登伽女四向遊戲彼衆多女即爲行人指右邊道行人即向右邊行一由旬盡眼所觀道遠見一銀城其城高廣門皆高鑰彼有門鉤其狀如蛇置諸門側行人見已勿生怖畏即取一鉤自開其門入已初見聖劍行人若欲取時即取

其劍執已即得大持明王命終已後生兜率天若不樂取此劍當取聖輪受已即得左訖囉囉惹命終已後生四主天若不樂取此輪當取如意寶受已即得五神通作十八變自然有聲普告大地一切衆生作如是言若諸衆生有所求事我當施與皆令如意即爲建

查八

三

林

立如意寶幢若見諸佛教法行人即當開視得於一切佛法摠持無失了達第一勝義諦法若見聖藥行人當取以一兩藥能作一俱胝金若服此藥即壽同梵天若見播耨迦行人當取著已能於日初出時遊四大洲悉得周徧經少時間還復本處若見安繕那藥行

人當取少分內自眼中即能盡見三界中事  
若見聖莊嚴具行人當取被身即得相好端  
嚴隱身自在行人若不樂求如是等聖成就  
法即於彼處止息經宿而彼巖中蓮華合時  
即知為夜彼阿脩羅女出取華時即知為晝  
是時行人當復前行去此不遠又見一金城

行人當入其城即見七寶所成宮殿摩尼為  
柱及寶輪寶網種種妙華而為莊嚴復以真  
珠交絡其上金沙布地清淨適悅於其殿上  
有師子座高廣嚴好慈氏菩薩居其座上有  
無數天龍八部及諸仙眾恭敬圍遶聽受菩  
薩宣說妙法是時行人既得至彼即起最上

大希有心前請菩薩禮敬而住

余時慈氏菩薩謂行人言善來善男子行人  
即當答言我今善來菩薩復言善哉善哉善  
男子汝能發勇猛堅固心來至於此何以故  
南閻浮提眾生信心堅固能於佛法精進勇  
猛能於我所起恭敬心汝今當知若諸眾生

欲於現世及當生中見我身者當發至心誦  
我根本大明即得安樂無諸難事而見我身  
根本大明曰

那謨囉怛那合二但囉合二夜引野句那謨呌嚕  
左那莎引弥你二但引他引誡多引野三阿囉  
喝合二帝三藐訖三合二沒馱引野四但轆物他

五唵昧咄侶合二但里六昧但囉合二合囉婆引

悉你七昧咄侶合二但葛合二吒野八三摩合二囉

三摩合二囉九莎剛鉢囉合二底倪也合二娑囉

娑囉十尾娑囉尾娑囉十一冒馱野冒馱野計

冒馱引釋誡帝引十摩賀引冒地波哩嚩哩

底合二多摩引那細引莎引賀引十四

菩薩告言善男子今此大明有大威力若諸

脩瑜伽行者能發至心持誦此明是人得見

我身決定無疑

復次慈氏菩薩告行人言汝今來此何所求

耶或求見我身聽受正法耶或求種種成就

法耶或復求於南閻浮提有大名稱耶如汝

所求我當施願行人答言菩薩我初發心來  
入此宮唯爲求見菩薩我今得見心已滿足  
餘非所求我今住此乃至菩薩當來成正覺  
時願我於菩薩所聽受正法  
尔時金剛手菩薩聞釋迦牟尼佛說是法已  
歡喜信受依教奉行

佛說帝釋巖祕密成就儀軌